

Araling Panlipunan

Ikalawang Markahan – Modyul 8: Iba't-ibang Paraan ng Pagmamahal sa Bayan na Ipinamalas ng mga Pilipino sa Panahon ng Digmaan



Araling Panlipunan – Ikaanim na Baitang

Alternative Delivery Mode

Ikalawang Markahan – Modyul 8: Iba’t-ibang Paraan ng Pagmamahal sa Bayan na Ipinamalas ng mga Pilipino sa Panahon ng Digmaan Unang Edisyon, 2020

Isinasaad sa Batas Republika 8293, Seksiyon 176 na: Hindi maaaring magkaroon ng karapatang-sipi sa anomang akda ang Pamahalaan ng Pilipinas. Gayonpaman, kailangan muna ang pahintulot ng ahensiya o tanggapan ng pamahalaan na naghanda ng akda kung ito ay pagkakakitaan. Kabilang sa mga maaaring gawin ng nasabing ahensiya o tanggapan ay ang pagtakda ng kaukulang bayad.

Ang mga akda (kuwento, seleksiyon, tula, awit, larawan, ngalan ng produkto o brand name, tatak o trademark, palabas sa telebisyon, pelikula, atbp.) na ginamit sa modyul na ito ay nagtataglay ng karapatang-ari ng mga iyon. Pinagsumikapang matunton ang mga ito upang makuha ang pahintulot sa paggamit ng materyales. Hindi inaangkin ng mga tagapaglathala at mga may-akda ang karapatang-aring iyon. Ang anomang gamit maliban sa modyul na ito ay kinakailangan ng pahintulot mula sa mga orihinal na may-akda ng mga ito.

Walang anomang parte ng materyales na ito ang maaaring kopyahin o ilimbag sa anomang paraan nang walang pahintulot sa Kagawaran.

Inilathala ng Kagawaran ng Edukasyon

Kalihim: Leonor Magtolis Briones

Pangalawang Kalihim: Diosdado M. San Antonio

Bumuo sa Pagsusulat ng Modyul

Manunulat: Vie Gee Lou G. Opsima

Editor: Carmela M. De Gracia, Rejean L. Tibus,
Jewelyn Q. Cadigal, Blas P. Tabayag, Jr.

Tagasuri: Blas P. Tabayag, Jr., Mary Helen M. Bocol, Junry M. Esparar

Tagalapat: Jewelyn Q. Cadigal

Tagapamahala:	Ramir B. Uytico	Pedro T. Escobarte, Jr.
	Portia M. Mallorca	Nelly E. Garrote
	Elena P. Gonzaga	Donald T. Genine
	Celestino S. Dalumpines IV	Junry M. Esparar
	Mary Helen M. Bocol	Blas P. Tabayag, Jr.
	Jewelyn Q. Cadigal	Emee Ann P. Valdez

Inilimbag sa Pilipinas ng _____

Department of Education – Region VI

Office Address: Duran Street, Iloilo City

Telefax: (033) 336-2816, (033) 509-7653

E-mail Address: region6@deped.gov.ph

Araling Panlipunan

**Ikalawang Markahan – Modyul 8:
Iba't-ibang Paraan ng Pagmamahal sa
Bayan na Ipinamalas ng mga Pilipino sa
Panahon ng Digmaan**

Paunang Salita

Ang Self-Learning Module o SLM na ito ay maingat na inihanda para sa ating mag-aaral sa kanilang pag-aaral sa tahanan. Binubuo ito ng iba't ibang bahagi na gagabay sa kanila upang maunawaan ang bawat aralin at malinang ang mga kasanayang itinakda ng kurikulum.

Ang modyul na ito ay may inilaang Gabay sa Guro/Tagapagdaloy na naglalaman ng mga paalala, pantulong o estratehiyang magagamit ng mga magulang o kung sinumang gagabay at tutulong sa pag-aaral ng mga mag-aaral sa kani-kanilang tahanan.

Ito ay may kalakip na paunang pagsusulit upang masukat ang nalalaman ng mag-aaral na may kinalaman sa inihandang aralin. Ito ang magsasabi kung kailangan niya ng ibayong tulong mula sa tagapagdaloy o sa guro. Mayroon ding pagsusulit sa bawat pagtatapos ng aralin upang masukat naman ang natutuhan. May susi ng pagwawasto upang makita kung tama o mali ang mga sagot sa bawat gawain at pagsusulit. Inaasahan naming na magiging matapat ang bawat isa sa paggamit nito.

Pinapaalalahanan din ang mga mag-aaral na ingatan ng SLM na ito upang magamit pa ng ibang mangangailangan. Huwag susulatan o mamarkahan ang anumang bahagi ng modyul. Gumamit lamang ng hiwalay na papel sa pagsagot sa mga pagsasanay.

Hinihikayat ang mga mag-aaral na makipag-ugnayan agad sa kanilang guro kung sila ay makararanas ng suliranin sa pag-unawa sa mga aralin at paggamit ng SLM na ito.

Sa pamamagitan ng modyul na ito at sa tulong ng ating mga tagapagdaloy, umaasa kami na matututo an gating mag-aaral kahit wala sila sa paaralan.



Alamin

Sa pagdating ng mga Hapones sa Pilipinas, ang inakalang malapit na na paglaya ng mga Pilipino ay tila bang hindi na makakamit. Maraming paraan ang ginamit ng mga Hapones upang supilin ang damdaming makabayan ng mga Pilipino at ipatupad ang kanilang mga nais sa bansa. Subalit hindi pa rin nito napigil ang pagmamahal ng mga Pilipino sa bayan. Hindi man naging madali ngunit hindi pa rin sila nawalan ng pag-asa na makakamit pang muli ang kalayaang minimithi.

Sa araling ito, mapag-aaralan mo kung paano ipinakita ng mga Pilipino sa iba't-ibang paraan ang pagmamahal nila sa bayan at sa kalayaan.

May isang aralin sa modyul na ito:

- Aralin 1- Iba't- ibang paraan ng pagmamahal sa bayan na ipinamalas ng mga Pilipino sa panahon ng digmaan

Pagkatapos mong gawin ang mga aralin sa modyul na ito ay inaasahang magagawa mo ang sumusunod na kasanayan:

1. Naiisa-isa ang iba't-ibang paraan ng pagmamahal sa bayan na ipinamalas ng mga Pilipino sa panahon ng digmaan;
2. Nahihihinuha ang kahalagahan ng pagmamahal sa bayan at sa pagpapanatili ng ating kalayaan; at
3. Naipapamalas bilang isang mamamayang Pilipino ang pagmamahal sa bayan.



Subukin

Bago tayo magsimula sa ating bagong aralin, subukan mo munang gawin ang gawain sa ibaba.

Panuto: Suriin ang angkop na katangiang ipinamalas ng mga Pilipino na nagpapakita ng pagmamahal sa bayan sa panahon ng digmaan. Lagyan ng tsek (✓) ang kolum ng katangiang nagpapakita ng pagmamahal sa bayan at ekis (X) naman kung hindi.

Katangian	Tsek	Ekis
1. Pagsisilbi bilang espiya ng mg Hapones upang mapadali ang buhay.		
2. Pagbubuwis ng buhay para sa Kalayaan.		
3. Pagtulong sa mga nasugatan at pagbibigay ng pagkain sa mga sundalong nakikipaglaban.		
4. Pagpapakita ng pagmamahal at pagtangkilik sa kulturang Pilipino.		
5. Pagsang-ayon sa mga nais ipatupad ng mga mga banyagang mananakop ng ating bansa.		
6. Pagtuligsa sa ginagawang kamalian ng mga mananakop sa panulat na paraan.		
7. Hindi pagsali sa mga samahang ang adhikain ay makamit ang pagbabago at kalayaan		
8. Hindi alintanan ang kasarian sa pagtulong sa mga nangangailangan.		
9. Pagtaguyod at pakikiisa sa mga adhikain ng mga samahang naglalayong makamit ang Kalayaan.		
10. Pagsasawalang kibo sa mga kamaliang nagaganap sa lipunan basta't hindi ka nadadamay.		

Aralin**1****Paraan ng Pagmamahal sa Bayan
na Ipinamalas ng mga Pilipino sa
Panahon ng Digmaan**

Ang mga bayani natin ay nag-iwan ng mga aral na nagiging halimbawa kung paano nila ipinaglaban ang kalayaan at ipinamalas ang pagmamahal sa bayan. Iba't-iba man ang kanilang paraan, nanatili parin ang layuning makamit ang kalayaan.

***Balikan***

Panuto: Piliin sa loob ng kahon ang sagot sa bawat tanong. Isulat sa sagutang papel ang iyong sagot.

Manuel L. Quezon	1942
Asya	gerilya
Jose P. Laurel	Jonathan Wainwright
Niponggo	

1. Kailan dumating ang mga Hapones sa Pilipinas?
2. Sino ang Pangulo ng Pilipinas noong sinakop ng mga Hapones ang Pilipinas?
3. Sino ang naging pangulo ng Japanese – sponsored Philippine Republic o tinawag na Republikang Papet?
4. Ano ang tawag sa mga rebeldeng pangkat na kumalaban sa mga Hapones.
5. Sinong Amerikanong Heneral ang natira upang ipagtranggol ang Corregidor?



Tuklasin

Bago ka pumunta sa iyong aralin, suriin mo ang mga pangungusap sa loob ng mga bilog. Alin sa mga ito ang nagpapakita ng pagmamahal sa bayan sa panahon ng digmaan? Kopyahin at ilagay ang sagot sa sagutang papel.

Pagiging isang
Makapili.

Paggamot sa
mga nasugatan
ng labanan.

Pagtuligsa sa
ginagawa ng mga
Hapones sa
panulat na
paraan.

Pagsali sa sa mga
samahang
kumalaban sa
mga mananakop.

Pagyakap sa mga
turo at aral ng
mga dayuhan.



Suriin

Ilang dayuhan man at pananakop ang napagdaanan ng Pilipinas, ang hangarin at pagsisikap ng mga Pilipino upang maging malaya ay hindi kailan man napawi. Magkaiba man ang kasarian at estado sa buhay at iba-iba man

ang naging paraan ng pagpapakita ng pagmamahal sa bayan, iisa pa rin ang layunin ng mga mamamayan at ito ay ang pagkamit ng kalayaan na minimithi.

Ang sumusunod ay ilan sa mga paraan ng mga Pilipino ng pagpapakita ng pagmamahal sa bayan sa panahon ng digmaan:

Pakikipaglaban para sa kalayaan ng bansa gamit ang armas

Marami sa mga Pilipino ang sumama sa kilusang katipunan, gerilya at HUKBALAHAP. Iba't-iba ang naging propesyon ng mga taong sumapi dito. Hindi sila naniwala sa ipinakitang layunin ng mga mananakop sa bansa kaya ninais nilang wakasan ang pananakop ng mga ito. Ang ilan sa kanila ay naglagi sa mga kabundukan, kagubatan at malalayong pook; ang iba naman ay nanatili sa mga lungsod o bayan. Sinasalakay nila ang mga garison ng mananakop. Kinukuha nila ang mga armas ng mga kalaban at ginagamit ito sa pakikipaglaban. Ilan naman sa kanila ay labis ang naging galit sa mga kalaban kung kaya't pinapatay nila ang mga ito.

Pagbubuwis ng buhay para sa inang bayan

Ipinamalas ng marami sa ating mga bayaning Pilipino ang pagmamahal nila sa bayan sa pamamagitan ng pagbubuwis ng kanilang mga buhay. Ilan sa Pilipinong nagbuwis ng buhay sa panahon ng digmaan ay sina Jose Abad Santos, Andres Bonifacio, Gregorio del Pilar, Diego Silang, mga kababaihang sina Theresa Magbanua, Gabriela Silang at marami pang iba.

Pagpapakita ng pagmamahal sa bayan gamit ang sining at Panitikan


Ilan sa mga manunulat na Pilipino ang nagpakita ng hindi pagsang-ayon sa mga patakarang ipinatupad ng mga mananakop sa bansa. Gamit ang kanilang sining at panitikan inilathala nila ang mga pagmamalabis at di mabuting ginagawa ng mga mananakop sa mga Pilipino. Ilan sa kanila ay sumapi sa mga samahan kagaya ng Kilusang Propaganda at La Liga Filipina. Ilan sa mga Pilipinong nagpakita ng pagmamahal sa bayan sa panulat na paraan ay sina Marcelo H. del Pilar, Jose Rizal, Graciano Lopez Jaena, Jose Ma Hernandez (Panday Pira), NVM Gonzales, Narciso Reyes at Liwayway Arceo. Ang iba naman ay sa pamamagitan ng sining gaya ng mga bantog na pintor na sina Juan Luna at Felix R. Hidalgo.

Pagtulong sa mga nangangailangang kapwa Pilipino sa panahon ng digmaan

Hindi lamang kalalakihan ang nagpakita ng pagmamahal sa bayan sa panahon ng digmaan. Ang kababaihan ay may papel ring ginampanan para makamit ang kalayaan. Ilan sa mga babaeng ito ay sina Josefa Llanes Escoda, na kilala dahil sa pagtatag niya ng Babaeng Iskawt ng Pilipinas na tumulong sa mga sundalo noong panahon ng Hapon. Melchora Aquino na kilala rin bilang Tandang Sora na nag-alaga sa mga nasugatan at mga nangangailangan ng tulong sa panahon ng Español at marami pang iba.

Iba-iba man ang paraan ng pagpapakita ng pagmamahal sa bayan ng mga Pilipino noong panahon ng digmaan hindi matatawaran ang mga nagawa nila upang makamit ng bansa ang inaasam-asam nitong kalayaan.

Sa kasalukuyan paano mo maipapakita ang pagmamahal mo sa bayan? Katulad ka rin ba ng mga bayani sa ating kasaysayan?



Pagyamanin

Anong mga positibong katangian ang ipinakita ng mga Pilipino noong panahon ng digmaan?

Panuto: Isulat ang titik **P** kung ito ay positibong katangiang naipakita at **HP** kung ito ay hindi positibong katangian. Isulat ang sagot sa sagutang papel.

- | | |
|-----------------------------|--------------------------|
| _____1. pagkamaparaan | _____6. katamaran |
| _____2. pagkamadasalin | _____7. kasipagan |
| _____3. pagmamahal sa kapwa | _____8. pandaraya |
| _____4. katapangan | _____9. pagkamatiisin |
| _____5. pagsasamantala | _____10. pagkamatulungin |



Isaisip

Iba't ibang paraan ang ginamit ng mga Pilipino para ipakita ang pagmamahal nila sa bayan noong panahon ng digmaan. Ilan sa mga ito ay ang sumusunod:

- Pakikipaglaban para sa kalayaan ng bansa gamit ang armas.
- Pagbubuwis ng buhay para sa inang bayan
- Pagpapakita ng pagmamahal sa bayan gamit ang sining at panitikan
- Pagtulong sa mga nangangailangang kapwa Pilipino sa panahon ng digmaan

Ang pagmamahal sa bayan ay dapat ipakita hindi lamang sa panahon ng digmaan kundi pati na sa araw-araw na pamumuhay.



Isagawa

Panuto: Buuin ang tsart. Itala sa unang hanay kung paano ipinakita ng mga Pilipino ang kanilang pagmamahal sa bayan sa panahon ng digmaan at sa ikalawang hanay naman kung sa anong paraan mo maipapakita ang pagmamahal sa bayan sa kasalukuyan.

Paraan ng Pagpapakita ng Pagmamahal sa Bayan	
Sa Panahon ng Digmaan	Sa Kasalukuyan
1.	1.
2.	2.
3.	3.
4.	4.



Tayahin

Ipaliwanag.


1. Anong gawain ng mga unang Pilipino ang nagpapakita ng pagmamahal sa bayan?

2. Ano ang halaga sa kasalukuyang lipunan ang pagpapahalaga ng pagmamahal sa bayan?



Karagdagang Gawain

Panuto: Punan ang graphic organizer ng mga paraan ng pagpapakita ng pagmamahal sa bayan sa kasalukuyan.



Sanggunian

Ivenia P. Palu-ay. *Makabayan Kasaysayang Pilipino, Batayang Aklat sa Ikalimang Baitang* Manila, Philippines: LG & M, 2010.

Eleanor D. Antonio, et al., *Makabayan 5* Manila, Philippines: Rex Printing Company, Inc., 2004.

Estelita B. Capiña and Gloria P. Barrientos. *Pilipinas: Bansang Malaya 5, Batayang Aklat Heograpiya, Kasaysayan at Sibika* Quezon City: SD Publications, Inc., 2000.

Para sa mga katanungan o puna, sumulat o tumawag sa:

Department of Education - Bureau of Learning Resources (DepEd-BLR)

Ground Floor, Bonifacio Bldg., DepEd Complex
Meralco Avenue, Pasig City, Philippines 1600

Telefax: (632) 8634-1072; 8634-1054; 8631-4985

Email Address: blr.lrqad@deped.gov.ph * blr.lrpd@deped.gov.ph